



國家清史編纂委員會・文獻叢刊

八編

清代稿鈔本

第三五三冊

國家清史編纂委員會·文獻叢刊

八編

清代稿鈔本

第三五三冊

廣東省立中山圖書館
中山大學圖書館

編

主編 桑兵
副主編 李昭醇
程煥文 劉洪輝

SPM
南方出版傳媒
廣東人民出版社

·廣州·

第三五三冊目錄

剿辦英夷

一

燕云

二八五

剿辦英夷

四卷

佚名輯

鈔本

廣東省立中山圖書館藏

剿辦英夷

四卷

摘鈔
是書妙錄鴉片戰爭期間^{之上諭}，由道光二十年
六月至二十二年十一月。大部係關於英人犯江
浙一帶情形。

道光二十年六月奉

廣東省二圖藏

廣東省
民圖書
館藏

上諭烏爾恭額奏英夷舡隻駛入浙江定海縣登岸滋事情形一摺前
因違禁鴉片烟廣東省現已斷絕該夷貿易迭經降旨令沿海各督
撫嚴加防範何以毫無覺察形同木偶致令登岸滋事烏爾恭額祝
廷彪均着先行交部嚴加議處欽此

道光二十年六月奉

上諭此次英咭喇逆夷滋事攻陷定海現經調兵合剿不難即時撲滅
因思該夷先經投遞揭帖恣其狂悖逆夷文字不通中國必有汗

為之代撰且夷船多隻闖入內洋若無汗奸接引逆夷豈識路途以食
毛踐土之民敢于自外生成為夷匪主謀嚮導寔屬罪不容誅至
沿海弁兵疎于防範已非尋常失察可比若竟勾通接引尤堪痛恨
着盛京直隸山東江蘇廣東福建各督撫將軍提鎮等分飭各屬嚴
密查拏如有內地奸民潛踪出入一經獲案嚴究有無通夷向逆情事
從重懲辦其疎防縱奸弁兵着一體嚴拏加等治罪務令奸宄淨
盡毋任一名漏網經此次諄諭之後如各省海口仍有汗奸出入別
經獲案不特將該員弁從嚴究治定將該將軍督撫提鎮等一併嚴
懲决不寬貸將此通諭知之欽此

道光二十年六月奉

諭本日據烏爾恭額等由驛馳奏定海縣城失守現籌堵禦一摺此次英匪舡隻擁衆滋事官兵猝遇寇賊自應出奇剿勝謀定後動廼該總兵張朝發復諫撤守以致累師失城情罪重大遊擊羅建功等于叛後遽即回鎮亦屬罪有應得定海鎮總兵張朝發署中營遊擊羅建功署左營遊擊錢炳煥護右營遊擊王萬年署中營守備龔配道均着革職拏問交部分別定罪烏爾恭額祝廷彪籌備不力前降旨交部嚴議茲據該部奏請革職尚不足以蔽辜惟現當防堵之時

若竟予罷斥治罪轉得置身事外烏爾恭額祝廷彪著先行革職暫
留本任帶罪圖功以觀後效署鎮海營叅將胡得耀鎮海縣知縣黃
維同均着撤任仍留該處聽候差遣沈畧巡檢徐桂馥請救已遲着即
斥革署定海縣知縣姚懷祥典史金福負屈投水被害身死究屬
可憫着該部加等議卹欽此

道光二十年七月奉

旨前據烏爾恭額奏嘆夷舡隻駛至浙江定海洋面滋事定海鎮總兵
張朝發懷諫撤守以致敗師失城情罪重大署中軍遊擊羅建功護

左營遊擊錢炳煥護右營遊擊王萬年署中軍守備龔配道于敗後
即回營亦罪有應得當降旨將該總兵等革職拏問交部分別定罪
茲據刑部將張朝發擬斬監候羅建功錢炳煥王萬年龔配道從重
發往新疆充當苦差均係按律問擬惟該總兵等當時接仗追敗情
形究竟如何該撫所奏未能詳晰着伊里布于抵浙後提同該革員
等嚴行究訊務得確情以伸國法而儆將來毋稍徇隱據實具奏
欽此

道光二十年七月奉

上諭前據長喜奏夷舡駛至乍浦海口該副都統率兵堵禦當降旨令查明具奏茲據奇明保等奏稱夷舡被擊後退逃外洋現已哨探無踪並查明滿漢兵丁傷斃六名請卹等語所有此次堵禦夷舡傷斃兵丁着咨部照例議卹欽此

道光二十年九月奉

上諭前因鴉片流毒內地特派林則徐馳往廣東海口會同鄧廷楨查辦原期肅清內地斷絕來源隨地隨時妥為辦理乃自查辦以來內而奸民犯法不能盡絕外而與販來源並未斷絕甚至本年暎夷舡

夫沿海遼夾福建浙江江蘇山東盛京直隸等省紛紛征調糜餉勞
師此皆林則徐等辦理不善之所致林則徐鄧廷楨著交部分別嚴
加議處林則徐即來京聽候部議兩廣總督著琦善署理琦善未到
任以前著怡良暫行護理此次喫夷投遞稟帖訴稱冤抑朕洞悉各
情斷不為其所動惟該督等以特派大員辦理終無定濟轉致別滋
事端悞國病民莫此為甚是以特加懲處並非因該夷稟訴遽予嚴
議也欽此

道光二十年九月奉

旨前派林則徐鄧廷楨在廣東查辦鴉片時逾兩年不但未絕根株轉致該夷赴近畿呈訴究抑成何事體已將該督等悞國病民辦理不善之處降旨宣示茲據吏部遵旨將該督等議以革職寔屬咎所應得林則徐鄧廷楨着照部議革職林則徐着即折回鄧廷楨亦即迅速前赴廣東以備查問差委欽此

道光二十年九月奉

上諭奕奕前在浙江投遞字帖籲求轉奏烏爾恭額于接收夷書時並未將原書呈奏即行擲還以致該夷舐駛往各處紛紛投訴實屬昏

憤謬妄致悞機宜烏爾恭額着即行拏問交伊里布派委妥員速行
解交刑部治罪欽此

道光二十年八月奉

上諭琦善着作為欽差大臣馳驛前往廣東查辦事件直督着訥爾
經額署理陝甘督着瑚松額署理欽此

道光二十年十一月奉

上諭烏爾恭額以封疆大吏責任守土前因暎夷斷絕貿易朕早料其

必在海疆要隘肆行滋擾屢經降旨飭令各督撫嚴加防範勿任覲
覲乃烏爾恭額不能先事籌畫以致定海倉猝失守復調度無方一
籌莫展似此昏憤無能罪無可逭現據軍機大臣會同刑部遵旨議
罪擬將該革員發往新疆充當苦差尚不足以示懲儆烏爾恭額著
改為絞監候歸入明年秋審情實已革著遊擊羅建功護遊擊錢炳
煥王萬年業經罪坐主將著照擬發往新疆充當苦差已革署守
備龔配道業經革職應毋庸議欽此

道光二十年正月奉

諭我朝撫馭外夷全以恩義各國果能恭順無不曲加優卹以期共樂昇平
前因西夷鴉片流毒日甚特頒禁令力挽遠風惟喫咭喇恃其驕悍不肯具
結是以降旨絕其貿易乃不知愧悔日肆鴟張突于上年六月間乘駕夷船
數十隻直撲定海占據城池復於福建浙江江蘇山東直隸奉天各省洋面任
意往來多方滋擾該逆夷桀驁不馴至於此極原不難整我師旅悉數殲
除因念該夷投遞書函自鳴冤抑不可不為之道究以示大特命大學士
琦善馳赴廣東批寔查辦倘該夷稍有天良自應全數赴粵靜候辦理
乃一半起程歸行一半仍留定海是以狡黠情形已堪髮指近聞數月以來